



მუნიციპალიტეტის საინფორმაციო გაზეთი №24(38) 2012 წ. 16-31 დეკემბერი ფასი 50 თეთრი

ილია ჯავახიანი

მხნე იყავ და განკლიერდი

„ღმერთმა ტკბილად დაგაბეროსო“, – ერთმანეთისათვის ვნატრულობო ხოლმე, როცა კი ახალი წელიწადი კარს დაგვიკაკუნებს. რა დიდად სანატრელი რამ არის ეს დაბერება. დაბერებიდან ერთი ფეხის გადადგმულა სიკვდილამდე. და რაკი ამაზე მიდგება საქმე, მაშინ ყოველისფერი მწარეა. ან თვითონ სიბერე თავისთავად მწარეზე უმწარესი არ არის განა? თუ ესეა, აბა ესლა თარგმნეთ, რას ნიშნავს ტკბილად დაბერება. აშკარაა, ტკბილად დამწარებას და ნუთუ ამაზე უკეთესი სანატრელი აღარა გაგვანჩნია რა. ამაზე უკეთესი სანატრელი ვეღარა გვიპოვია – რა. ნატერის უნარიც კი დაგვკარგვია, მოდი და წყალი ნუ წავიდებს ამისთანას. სხვა რა გზაა?

სხვა გზა ის არის, რომ ერთმანეთით გული გაუგუვლადოთ და ამისთვის ღონე ღონეს გადავაბათ, მხარი მხარს მივცეთ, ერთმანეთის სიყვარული ვამოციქულოთ და ამ წინდებულს ახალს წელიწადს იმას ვაქმნევინებთ, რაც ჩვენ გვინდა და არა იმას, რაც მასა ჰსურს. ვიმხნეოთ ერთადერთის გულით, ერთის სულით, ერთმანეთის ნდობით. ვინც მხნეა, ის ძლიერია. მაშ, „მხნე იყავ და განკლიერდი“ – აი, ჩვენი საახალწლო მილოცვა, ჩვენი საახალწლო ნატვრა.



მე ვუსურვებ ყველა მორწმუნესა და არამორწმუნეს, რომ შრომა და ურთიერთსიყვარული ყოფილიყოს უპირველესი წყარო ბედნიერებისა. ნუ დაივიწყებთ, ჩემო სიყვარულო ქრისტესმიერო შვილებო, რომ სიამაყეს, სხვის დაჩაგვრასა და სიმდიდრის მოხვეჭას განდიდება არ მოაქვს ადამიანისათვის, „რამეთუ ეგევითარნი უფალსა ჩვენსა იესუ ქრისტესსა არა ჰმონებენ, არამედ თვისსა მუცელსა და ტკბილად მეტყუელებითა მით და კურთხევითა აცთუნებინ გულისნი

ასალი სიბრძნე და მნებობა მოუტანოს უფალმა საქართველოს!

„უმანკოთანი“ (რომ. 16, 18). თქვენ თავმდაბლობა განგადიდებთ, სიყვარულისა და ურთიერთპატიების უმანკო გრძნობა აამაღლებს თქვენს სულს და პატიოსნებას. ესეც გახსოვდეთ, რომ პირველი მაგალითი თავმდაბლობისა და სიყვარულის ადამიანებს მაცხოვარმა ჩვენმა უჩვენა, როდესაც თავისი ჯვარცმის წინა დღეს მასთან მყოფ მოწაფეებს ფეხები დაბანა.

ღმერთსა ვთხოვ უცხოობაში მყოფ ჩვენს თანამემამულეთა სიცოცხლესა და ბედნიერებას. ვუსურვებ მათ, რომ მისცემოდეთ სურვილი და ღვთიური მადლი სამშობლოში დაბრუნებისა, ვინაიდან „სამშობლო, დედის ძუძუნი, არ გაიცვლებს სხვაზედა“.

მაშ, ამაღლდით რწმენით, სიკეთით და პატიოსნებით, ჩვენი ერის ტკბილო შვილებო! შეეხოვით უფალს, რომ მოიტანოს ახალმა წელმა ჩვენი ხალხისა და სამშობლოსათვის ახალი სიბრძნე და ენერჯია, ახალი წინსვლა, ახალი დიდი ნაბიჯები, უკეთესი მომავლისაკენ, ახალი წყაროები და ნაკად-

ულები აღმავლობისა, ახალი სკოლები და განათლების კერები, ახალი სიბოლო, ახალი სიტკბო, ახალი სუნთქვა სასოებით და აღტაცებით.

ღმერთი ხომ იცვლის ყველაფერს გარემოების როგორც სამოსს და თავად წლები კი არა აკლდება. ასევე, თქვენც ახალ წელში ყველაფერი ძველი და უვარგისი თქვენი შრომის შედეგად ახლით და უკეთესით შეგეცვალეთ, ჩემო სიყვარულო სამწმუნოსო, გაზრდილიყვით, გამრავლებულიყვით და წლები არასოდეს მოგკლებოდეთ ღვთის წმინდა სულით უკვდავებამონიჭებულებს.

დიდება და მზებრძობა საქართველოს სამოციქულო ეკლესიას, სარწმუნოების შრომის, სიყვარულისა და სიკეთის გზით – წინ უკვდავებისაკენ, ღვთისმშობლის ხევი ჩვენი კურთხეული მიწის შვილებო.

„მადლი უფლისა ჩვენისა იესო ქრისტესი, თქვენ ყოველთა თანა. ამინ“ (1 რომ. 16.24).

ილია II, სრულიად საქართველოს კათოლიკოს-პატრიარქი

რომან ზუკაკიშვილი

საახალწლო

ფანტელები, როგორც წმინდა სანთლები ანათებენ ღვთივეკურთხეულ დილას, უჩვეულო სიხარულით დავთვრებით, ვიღიმით და იმიტომაც თბილა. ნაძვის ხეს კი სიჩუმე რომ ანაზებს ვარსკვლავები უყვებიან სიზმრებს, რაკი ერთი გვაქვს სამშობლო ლამაზი, თითქოს ყველას ერთი გული გვიბერს. დღეა მართლაც ღოცვასავით სპეტაკი, სიმღერით და სიყვარულით სავსე, წრფელი ნატვრა აგვისრულდეს ნეტავ კი, ზეცის მადლი დაგვებერტყოს თავზე. მეკვლე გვლოცავს გულით განა ჭიქითა, დაგვებდოს მშვიდობა და სიტკბო, დღეს და მუდამ დღეის ამას იქითაც – ჩვენი მრავალუამიერი იყოს.



საახალწლო ტრადიცია

ნაძვის ხე

ახალი წლის დღესასწაულსა და მისთვის ყველა ოჯახში დგამენ ნაძვის ხეს, თუმცა ნაძვის ხე უფრო საშობაო ატრიბუტია. გადმოცემით: როდესაც მაცხოვარი იშვა, მას მთელმა სამყარომ სცა თავყანი – ანგელოზები უფალობდნენ, მწყემსებმა თავყანი სცეს, მოგვებმა ძვირფასი ძღვენი მიართვეს. მართალ იოსებსაც სურდა გამოეხატა თავყანისცემა ახალშობილი ქრისტეს მიმართ. რადგან ღარიბი ღურგალი იყო და ბევრის საშუალება არ ჰქონდა, პატარა ნაძვი მოჭრა და ახალშობილ იესოს მიართვა. ნაძვის ხე ზეციდან გარდამოსული ვარსკვლავებით მიერთო, თავზე კი ერთი დიდი ვარსკვლავი დაადგა. სწორედ ამ გადმოცემას უკავშირდება საშობაოდ ნაძვის ხის დადგმის და მორთვის ტრადიცია. თანაც ნაძვი მარადმწვანე მცენარეა, მწვანე ფერიც მარადიულობისა და სიცოცხლის სიმბოლოა და მიხნეული. მაცხოვრის შობით დედამიწაზე მოსვლით ხომ მარადიული სიცოცხლე მოგვეჩვენა.

გილოცავთ ახალ — 2013 წელს!



გილოცავთ დამდეგ შობა-ახალ წელს!
 ეს პირველი წელია, რომელსაც ჩვენ ერთად შევხვდებით იმედით და იმის რწმენით, რომ ჩვენი სამშობლოს მომავლის ფორმირებაში ყველა ერთად მონაწილეობს, ერი და ბერი, ხელისუფლება და ხალხი. შემდეგი წლების მანძილზე სწორედ ასე უნდა ჩაგვიდოთ ხელი ერთმანეთს და ვაშენოთ ქვეყანა იმისათვის, რომ გვქონდეს მშვიდობა, კეთილდღეობა, ჩვენს შვილებს მივცეთ საუკეთესო განათლება, უზრუნველყოთ ჩვენი მოხუცების ღირსეული სიბერე და ერთად გავარდვიოთ უმუშევრობის და უპერსპექტივობის მოჯადოებული წრე.

დიდი მადლობა მხარდაჭერისათვის და ბედნიერების მომტანი იყოს 2013 წელი ყველა ოჯახისათვის საქართველოში.

*თინათინ ხიდაშელი,
 საქართველოს პარლამენტის საგამოძიებო კომისიის თავმჯდომარე, მაჟორიტარი დეპუტატი საგარეჯოს მუნიციპალიტეტიდან.*

ძვირფასო გარეჯელებო!
 გილოცავთ დამდეგ შობა-ახალ წელს!
 დემეტრე ქნას, ჩვენს სამშობლოს მშვიდობისა და სიკეთის ახალი წელი გაუთენდეს. მრავალსაუკუნოვანი ისტორიის მანძილზე, ჩვენი ქვეყანა ბევრი განსაცდელისა და გამოწვევის წინაშე მდგარა, მაგრამ ქართველი კაცი ყოველთვის ახერხებდა ფეხზე წამოდგომას და ქვეყნისთვის სასიკეთო საქმის კეთებას. ჩვენი სახელოვანი წინაპრების წინაშე ვალდებული ვართ, ვემსახუროთ სამშობლოსა და უფალს, მით უფრო რომ ქართველი კაცისთვის სამშობლოს ხატება და უფლის ერთგულება ყოველთვის განუყოფელი იყო. ვისურვებდი, რომ 2013 წელს სიკეთე და სიხარული მოეტანოს ჩვენი მუნიციპალიტეტისა და სრულიად საქართველოს ყველა ოჯახისათვის. წმინდანად ახლად შერაცხული ბერი გაბრიელის, ჩვენი პატრიარქისა და წმინდა მამების შეწევნით მშვიდობა დამკვიდრებულიყოს ჩვენს ოჯახებსა და ჩვენს გულებში. ხვათი, ბარაქა და შეილიანობა დაპბედებოდეს ჩვენს საყვარელ სამშობლოს.

ჩვენს ქვეყანაში მცხოვრები ეროვნული უმცირესობები ყოველთვის მშვიდად და მეგობრულად ცხოვრობდნენ ქართველებთან ერთად. იმედია, ახალ 2013 წელს დაიწყება ისეთი პროცესები, რომელიც აღადგენს აფხაზეთთან და ოსებთან გაწყვეტილ ურთიერთობებს და ჩვენი ქვეყანა მოიშუშებს ჭრილობებს. ომისა და დაპირისპირების გარეშე დავიბრუნებთ დაკარგულ ტერიტორიებს და ჩვენს მოსახლეობას შეეძლება სამუდამოდ დაუბრუნდეს წართმეულ წინაპართა მიწა-წყალს. იმედია, წელს კვლავ გაიღება ჩატეხილი ხიდი აფხაზეთთან.

კიდევ ერთხელ გილოცავთ შობა ახალ წელს და მშვიდობას, მატერიალურ კეთილდღეობას და სულიერ გაბრწყინებას ვუსურვებ სრულიად საქართველოს.

*მიორზი ლოლაძე,
 საგარეჯოს მუნიციპალიტეტის გამგებელი*

ჩვენი გაზეთის პრტიკულ პიტიხველო!

თქვენთან ერთად გაილია ეს ერთი წელიც — 2012. ამ წელში ჩვენ 24-ედ ვხვდებით ერთმანეთს — გაზეთი და მკითხველი, როგორც, რანაირად შევძელით თქვენთან მოგვეტანა ჩვენი სათქმელი და ის საკითხები, რომლებიც თქვენ გაინტერესებდათ, არ ვიცით. ამ წელს პირველად მოვსინჯეთ ძაღები და გამოვუშვით გაზეთის დამატება „გარეჯელები“, გაუბედავი, სიფრიფანა, მაგრამ ჩვენი რაიონის, მისი სახელოვანი წარსულისა და თვალსაჩინო შეიღების ამბების მთხრობელი. მადლობთ, რომ ჩვენთან ერთად იყავით, გვეხმარებოდით, გვეკარნახობდით თემებს, მხარს გვიჭერდით, ზოგჯერ შენიშვნებსაც გვაძლევდით — მეგობრულად, საქმის სასიკეთოდ.

მადლობა ჩვენი გაზეთის მკითხველებს, ჩვენს კაკაბელებს — უღალატო აღამიანებს „პურის ფულით“ ზოგჯერ გაზეთს რომ ყიდულობდნენ. მადლობა საგარეჯოელ ზემო უბნელებს, სპორტგაერთიანების თანამშრომლებს, მათ სპორტსმენებს, მადლობა სამუსიკო სკოლის პედაგოგებს, ყველას, ვინც ჩვენს გაზეთს დიდი მოლოდინით ელოდა და ინტერესით კითხულობდა.

გილოცავთ ახალ — 2013 წელს და ვისურვებდით, რომ კვლავაც ერთად ვიყოთ, ერთად ვიფიქროთ, ვიაზროვნოთ და დავეხმაროთ, ხელი შევაშველოთ, გული გაუუბოთ, მოვეფეროთ ერთმანეთს.

მომავალ 2013 წელსაც გაირდებით სიურპრიზებს, წინასწარ არ გეტყვით.



გაზეთი „გარეჯის მაცნე“ რედაქცია

წელი 2012 - ისტორიის ფურცელი



ძალაძე საბარჯო

აბურდელის ბურღვის სამუშაოები ჩატარდა: კახეთის გზატკეცილი № 12 კორპუსის მიმდებარე ტერიტორიაზე (28638 ლარი). გაღმაუბანში სუბარტეხიული ჭის (36184), კოსტავას ქუჩა №20 საცხოვრებელი კორპუსის მიმდებარე ტერიტორიაზე სუბარტეხიული ჭისა და წყლის ამომქანველი ტუმბოს, აგრეთვე რეზერვუარის მოწყობა (29550). შექმნილ იქნა ე.წ. რკინიგზის სადგურის დასახლების მოსახლეობისათვის წყლის ტუმბო (3500). აღდგენილ იქნა: გაღმაუბანში საუბნო წყალსადენი (4350), ჯაფარიძის ქუჩაზე (188617) და ტაბიძის (40765) ქუჩაზე ასფალტის საფარი, გაღმაუბნის სასაფლაოსთან მისასვლელი გზის და კიკვიძის ქუჩის პროფილი, (55833) წერეთლისა და მ. ქედივიძის ქუჩების პროფილი (14023) და სანიაღვრე არხები - სარაჯიშვილის ქუჩაზე სანიაღვრე არე (37297). მოეწყო: კოსტავას ქუჩაზე წყალსაწორი და სანიაღვრე არხები (14868), საგარეჯოს ქუჩებში გარე განათება (50313), კოსტავას ქუჩის №17 ბინის სახურავების შეცვლა (36274) და კახეთის გზატკეცილზე №9 სახლზე კოლაბები (2352); დავით აღმაშენებლის ქუჩის სკვერები (25057); რუსთაველის ქუჩაზე სკვერები (41832); კოსტავას ქუჩაზე სპორტული მოედანი (35086); სახანძრო სამსახურის შენობაში აბანო (2950) ვანაძის, ტაბიძის, ქუჩიშვილის ქუჩებზე გარე განათება (5331). მოხდა: მრავალბინიანი საცხოვრებელი კორპუსების გადახურვა, კოსტავას ქუჩის №14 და №18 ბინების სახურავების შეკეთება (34453). ლეონიძის № 4 (11022) და ერეკლე II-ს №76 (16207), საცხოვრებელი ბინების სახურავების ფენილის შეცვლა. რუსთაველის ქ. №238 საცხოვრებელი ბინის სახურავის შეკეთება (39495). საგარეჯოს №3 საბავშვო ბაგა-ბაღის (32115) და პატარძელის №1 საბავშვო ბაგა-ბაღის შეკეთება (27290). კულტურის სახლის კოშკის ბუნებრივი ქვით მოპირკეთება (65000). მუზეუმის ტერიტორიის კეთილმოწყობა (263185), ამავე მუზეუმის საექსპონატო დარბაზის შიგა სამუშაოები (38150). სარეაბილიტაციო სა-

საბარჯოს მუნიციპალიტეტი
ინფრასტრუქტურა - 2012

მუშაოები ჩატარდა ქალაქის გამგეობის შენობას (142810) ქალაქის ცენტრს (69095), კულტურის სახლს (121716). კეთილმოეწყო მრავალბინიანი საცხოვრებელი სახლების ეზოები და შესასვლელი (89917). ე.წ. გაღმაუბანში მოხდა საუბნო წყალსადენის აღდგენა (4350). ჩატარდა სასმელი წყლისა და კანალიზაციის მოწყობის სამუშაოები (5717). სკვერისათვის შექმნილ იქნა სკამები (5000). შესყიდულ იქნა სარეკლამო ბანერები (12149), მოასფალტდა დ. აღმაშენებლისა და 9 აპრილის ქუჩები (270000).
ინფრასტრუქტურა - მოხდა სასმელი წყლის ქსელების რეაბილიტაცია (41906) და კულტურული მემკვიდრეობის ზონების კეთილმოწყობა.
წყაროსთან - სასმელი წყლის ქსელის რეაბილიტაცია (24867).
პატარაქუჩი - შიდა გზების მოხრეშვა (26000).
ხაშვი - სასმელი წყლის ქსელის რეაბილიტაცია (32859), სასოფლო გზაზე სანიაღვრე არხის მოწყობა (39249).
შაჰარმა - გაკეთდა წყლის სათავე (9926).
პალა - შემოიღობა სარწყავი არხები (2402).
მუხროვანი - სასმელი წყლის რეაბილიტაცია (2214).
ბოგბორცო - გზის მოხრეშვა (15696), სასმელი წყლის ქსელის რეაბილიტაცია (3500).
რუსიანი - გზის მოხრეშვა (5382).
ვერძინა - სარიტუალო დარბაზის მშენებლობა (5608);
ვაშლიანი - გზის მოხრეშვა (2390);
ასპილაური - წყლის რეზერვუარის შეკეთება (5759);
კოჭბანი - (6337), **ოთარანი** - (2377), **სასადილი** (5194), **ბორანა** (5596) - სასმელი წყლის ქსელების რეაბილიტაცია.
იკვლიშ ბორანა - სოფლის გზის მოხრეშვა (2440).

ბიორბიჭინა - (43615), **ანთოკი** (5131), **მარიაშვილი** (2188) - სასმელი წყლის ქსელების რეაბილიტაცია.
თოხლაური - მდინარე თოხლაურის გაწმენდითი (5000) და ნაპირდაცვითი სამუშაოები (64600), სოფელში საცალფეხო ხიდის გაკეთება (28021).
მანაში - სანიაღვრე არხის და სარწყავი არხის შეკეთება (27000), სასოფლო-სამეურნეო სავარგულეთთან მისასვლელი გზის რეაბილიტაცია (13000), **ხაშვი მანაში** არსებული მინი მოედნის აღდგენა შეკეთება (14660), **ბურღიანი** - მისასვლელი სასოფლო გზის შეკეთება (2628).
დიდი ჩაილური - სოფლის სასმელი წყლის და რეზერვუარის რეაბილიტაცია (23000), სასაფლაოს მიმართულ გზის მისასვლელი გზის რეაბილიტაცია (1754).
პატარა ჩაილური - სასაფლაოს შემოღობვა (21696), სასაფლაოსთან მისასვლელი გზის რეაბილიტაცია (1500), სოფლის საბავშვო ბაღის შენობის II სართულზე სასმელი წყლის აყვანა (500), სოფლის ცენტრში დეკორატიული წყაროს მოწყობა (2000).
პაკაბეტი - სასმელი წყლის ქსელების რეაბილიტაცია (49700), ს ა ვ ა რ გ უ ლ ე ბ თ ა ნ მისასვლელი გზის მოხრეშვა (2500), სანიაღვრე არხის მოწყობა სოფლის ცენტრალურ გზაზე (3000).
ვერძინა - რკინიგზის ხიდის ქვეშ გასასვლელის გაწმენდა და მასში მინადენი წყლის მიმართულების შეკეთება (6500), სტადიონის გაკეთება (2000), სოფელში სანიაღვრე არხების გაწმენდა (6411).
ბაღიანი - სპორტული დარბაზი (14725), მინი სტადიონის (16000), ვენახებთან



მისასვლელი ბოგორი (500).
მანაში - საკრებულოს შენობის თანამედროვე ფართში ამპულატორიის გაკეთება (15000), სასმელი წყლის რეაბილიტაცია (12204) და სასმელი წყლის მილსადენის შეკვლა (2503).
შაბლო - კულტურულ ადმინისტრაციული შენობის რეაბილიტაცია (15916)
სათაფლი - სოფელში მისასვლელი გზის მოხრეშვა (5634).
შობლიანი - სარიტუალო დარბაზის მშენებლობა (15225).
ხაშვი ლაგალა - შიდა გზების მოხრეშვა (65415).
ძველი ლაგალა - ჭაბურღილის მოწყობა (35000), შინა გზების მოხრეშვა (32664).
იორბიჭინა - სარწყავი არხის რეაბილიტაცია, გზის მოხრეშვა (42345).
ძეშალი - ჭაბურღილის გაკეთება (35000), ცენტრალური გზის რეაბილიტაცია (25980).
ღუზაბრმა - სასმელი წყლის ჭაბურღილის გაწმენდა და რეზერვუარის მოწყობა (20314).
პალა - სოფლის სასაფლაოზე მოსაცდელის მოწყობა (16932), სასმელი წყლის ამოსაქანი ძრავის მოწყობა (2000).
წიშვატიანი - სოფლის სასაფლაოზე მოსაცდელის მოწყობა (20078), სასმელი წყლის რეზერვუარის შექმნა (7000).
ბაზლარი - სასმელი წყლის ქსელის რეაბილიტაცია (6500), კაზლარიდან თულარში მისასვლელი გზის მოხრეშვა (19874).
თულარი - სოფლის გზის მოხრეშვა (45778), სოფლის რამდენიმე უბანში წყლის გაყვანა (15000).



სოფლის მეურნეობა - 2012
უპირობო მომავლის იმედით

საქართველოს სოფლის მეურნეობის საწარმოო სპეციალიზაცია მოიცავს 13 ზონასა და 6 ქვეზონას. საგარეჯოს მუნიციპალიტეტი ეკუთვნის მე-2 გარე კახეთის მემარცვლოვანი-მეცხოველეობის და მევენახეობის ზონას, რაც გულისხმობს უპირატეს ბუნებრივ პირობებს ამ დარგების განვითარებისთვის. საგარეჯოს მუნიციპალიტეტში დაახლოებით ცხოვრობს 63 800 მოსახლე. ირიცხება 94373 ჰა სასოფლო-სამეურნეო სავარგული მათ შორის; სახნავი 29575 ჰა, მრავალწლიანი ნარგავები 6426 ჰა, სათიბი 1398 ჰა, საძოვარი 56974 ჰა, ზამთრის საძოვარი 56108 ჰა, აფხულის 866 ჰა-რი.
მემარცვლოვანი: ბოლო წლებში მარცვლოვანი კულტურების წარმოებაზე გაზრდილმა დანახარჯებმა გამოიწვია ნათესი ფართობების მკვეთრი შემცირება. ხორბლის ნათესები შემცირდა 5000 ჰა-დან 3500 და 2300 ჰა-მდე. ხოლო სიმინდის ნათესები გაიზარდა 1200 ჰექტრიდან 3000 ჰექტრამდე. 2013 წლის მოსავლისათვის დათესილია 3900 ჰა ხორბალი, ხოლო ქერი 400 ჰა. სხვადასხვა კულტურის წარმოებაზე 1 ჰა-ზე დანახარჯები მერყეობს 1000 ლარიდან 1500 ლარამდე. ნიადაგის კარგი დამუშავებისთვის საშემოდგომო ნათესებისათვის უმჯობესია მიწა მოიხნას აგვისტოს თვეში, ხოლო საგაზაფხულო ნათესებისათვის დეკემბერ-იანვრის თვეში.
მეცხოველეობა: საგარეჯოს მუნიციპალიტეტში ირიცხება 35000 მსხვილი რქოსანი პირუტყვი, ხოლო მის 60% -ს ფურები შეადგენს. ცხვარი 98000 სულია და მისი 70% ნერბია. ერთ ფურზე საშუალო წველადაობა შეადგენს 1200 კგ-ს. ხოლო ხორცის წარმოება ცოცხალი წონით ერთ სულ მსხვილ რქოსან პირუტყვზე 100 კგ-ერთ

ფურზე 200 კილოგრამს. ერთ ნერბზე საშუალო წველადაობა შეადგენს 25 კგ-ს. მატყლის საშუალო ნაპარსი 3 კგ-ს. ხორცის წარმოება ერთ სულ ცხვარსა და თხაზე ცოცხალი წონით შეადგენს 22 კგ-ს, ხოლო ნერბზე 30 კგ-ია. სასაქონლო თაფლის წარმოება ფურების ერთ ოჯახზე შეადგენს საშუალოდ 19 კგ-ს. საშუალო კვერცხმდებელობა 140 ცალს. ხორცის საშუალო წარმოება ერთ ფრინველზე შეადგენს 2,2 კგ-ს. საგარეჯოს მუნიციპალიტეტში ერთ სულ მოსახლეზე მოდის საქონლის ხორცი დაკლული წონით 16,4 კგ. რძე 395 კგ. ადამიანის სრულფასოვანი კვებისთვის წელიწადში საჭიროა, ანუ მის ფიზიოლოგიურ ნორმას შეადგენს საქონლის ხორცი 29-31 კგ, ხოლო რძე და რძის პროდუქტები 319 კგ-ს. მთლიანი ხორცის კი 69-72 კილოგრამია საჭირო. სეზონის განმავლობაში ერთი სული მსხვილი რქოსანი პირუტყვისთვის საჭიროა კარგი საძოვარი 1 ჰა, ხოლო საშუალო საძოვარი 1,5-2,0 ჰექტარი. 100 ჰექტარ სასოფლო სამეურნეო სავარგულზე მოდის 37 სული მსხვილფეხა, ხოლო ცხვარი 104 სული. მეცხოველეობის დარგის განვითარება მოითხოვს რძისა და ხორცის ორგანიზებული შესყიდვის სისტემის შექმნას და მათი მაღალტექნოლოგიურ პირობებში გადაამუშავებას ყველა რაიონში. აგრეთვე მყარი საკვები ბაზის შექმნას.
მევენახეობა: ვენახის მთლიანი ფართობი შეადგენს 3297,7 ჰა-ს, მათ შორის; რქაწითელია 2392-ჰა, საფურავი 694,2 - ჰა, პიბრიდი-210,8-ჰა, ყურძნის საშუალო მოსავლიანობა წლების მიხედვით მერყეობს 5

ტონიდან 7 ტონამდე. რქაწითელის ყურძნის წარმოებამ 2012 წლისათვის შეადგინა 9000 ტონა, ხოლო საფურავი 2800 ტონა. ვენახების დიდი ფართობებია შემდეგ სოფლებში: კაკაბეთი, მანავი, ქ. საგარეჯო, ხოლო საფურავი: ხაშვი, დ/ჩაილური, კაკაბეთი და ასე შემდეგ. ყურძნის მოსავლის კარგად ორგანიზებული ჩაბარება და მასზე გაზრდილი ფასი გამოიწვევს დარგის მიმართ მაღალ ინტერესს და მის განვითარებას.
მელიორაცია: მელიორაცია სოფლის მეურნეობის განვითარების ერთ-ერთი ძირითადი ფაქტორია. გარე კახეთის ტერიტორია მოიცავს მდინარე იორის აუზში შემავალ ფართობებს, აქ სასოფლო-სამეურნეო კულტურების მაღალი მოსავლის მიღების მთავარი დამაბრკოლებელი ბუნებრივი ფაქტორია, ატმოსფერული ნალექების სიმცირე და არათანაბარი განაწილება წლის განმავლობაში. ამიტომ საგარეჯოს მუნიციპალიტეტში მორწყვა სასოფლო-სამეურნეო წარმოების აუცილებელი პირობაა წარმოადგენს და წარმოებულ პროდუქციის ნახევარზე მეტი სარწყავ მიწებზე იწარმოება. სარწყავი სისტემების სრული რეაბილიტაციის შედეგად შესაძლებელია მორწყვის მუნიციპალიტეტის სახნავი და მრავალწლიანი ნარგავების 58%, ხოლო დანარჩენი მიწის ნაკვეთები ურწყავ მიწებს წარმოადგენს. სადაც არასოდეს ყოფილა სარწყავი სისტემა.
მექანიზაცია: სასოფლო-სამეურნეო წარმოების მექანიზაცია წარმოადგენს, ქვეყნის აგრარული სექტორის განვითარების ერთადერთ ცივილიზებულ გზას, საგარეჯოს მუნიციპალიტეტის მოსახლეო-

ბას ემსახურება შ.პ.ს. „მექანიზატორი“, რომელთა დაქვემდებარებაშია 30-ერთი სხვადასხვა სახის ტექნიკა, აქედან 4 მარცვლოვლის ამდები კომბანია. ხოლო მოსახლეობის საკუთრებაშია დაახლოებით 97-ერთი სხვადასხვა სახის გამართულ მდგომარეობაში არსებული სასოფლო-სამეურნეო ტექნიკა. სოფლის მეურნეობის განვითარების მდგომარეობას ართულებს ტექნიკური აღჭურვილობა ფართობის ერთეულზე. მაგალითად საგარეჯოს მუნიციპალიტეტში 100 ჰა, სახნავ და მრავალწლიანი ნარგავებზე მოდის 0,36 ერთეული ტრაქტორი, ხოლო მარცვლოვლის ყოველ 100 ჰა, ნათეს ფართობზე 0,25 კომბაინი, ეს იმას გულისხმობს, რომ საგარეჯოს მუნიციპალიტეტში სოფლის მეურნეობის სრულყოფილი განვითარებისათვის არასაკმარისია სასოფლო-სამეურნეო ტექნიკა.
როგორც მთლიანად რესპუბლიკაში ასევე საგარეჯოს მუნიციპალიტეტში სავარგულების დაბალი პროდუქტიულობა აისახება რიგი მიზეზებით, რომელთა შორის მთავარია მელიორაციული სისტემების ავარიული მდგომარეობა, მინერალური და ორგანიზული სასუქების გამოყენების დაბალი დონე და სასოფლო-სამეურნეო სამუშაოთა მექანიზაციის საშუალებებთან დაკავშირებით შექმნილი პირობები.
მია ბუჩაშვილი,
საგარეჯოს მუნიციპალიტეტის გამგეობის სოფლის მეურნეობის სამსახურის უფროსი სპეციალისტი, ეკონომიკურ მეცნიერებათა კანდიდატი

ჩიტი იხრო დასამახსოვრებელი 2012 წალი?

კულტურა

2012 წელი – დიდი ნაკლებებისა და გაკავლის

განათლება



თინათინ მეზვრიშვილი
საგარეჯოს კულტურის სახლის მენეჯერი

მნიშვნელოვანი, საქმიანი და წარმატებული იყო 2012 წელი საგარეჯოს კულტურის სახლის თანამშრომელთა საქმიანობაში. ამ წელს საგარეჯოელმა მაყურებელმა გულთბილად მიიღო მ. ჭიაურელის სახელობის საგარეჯოს სახალხო თეატრის სპექტაკლი-პრემიერა „ოჯახური იდილია“, სადაც ჩვენმა მსახიობებმა კიდევ ერთხელ დაუმტკიცეს მაყურებელს, რომ საკმაოდ წარმატებულად აგრძელებენ გარეჯელ თეატრალთა მიერ დატოვებულ ტრადიციებს – თამაშობენ გულიანად, ლაღად და ისე, როგორც მაყურებელს მოეწონება.

– 2012 წელს თოჯინების თეატრის მიერ აღდგენილ იქნა 5 სპექტაკლი, მათ მიერ სცენაზე ნაჩვენები იქნა 16 სპექტაკლი. საიდანაც 2 საქველმოქმედო იყო.

– 2012 წელს ჩატარდა ფოლკლორული კოლექტივების დათვალიერება, რომელშიც აშკარად და თვალნათლივ გამოჩნდა ის შრომა და ღვაწლი, რასაც ფოლკლორული ანსამბლის ხელმძღვანელი, ანსამბლის თითოეული წევრი დებს ფოლკლორის შესასწავლად, დასამუშავებლად და ამ ნიმუშების უკვდავსაყოფად.

– 2012 წელს კიდევ ერთხელ აღაფრთოვანა და ქართული სული უჩვენა ბავშვთა ქორეოგრაფიულმა ანსამბლმა „იმედმა“ თურქეთის ქ. ბაიბურთის ფოლკლორული ფესტივალის მონაწილეებსა და მაყურებლებს.

– 2012 წელს საგარეჯოში მიიღო და უმასპინძლა ფრანკოფონიის საინტერესო დღეებს – კახეთის რეგიონში არსებული ფრანგულენოვანი თეიმოქმედი თეატრების დათვალიერებას.

– 2012 წელს ყვარელში გამართულ „ილიაობაზე“ აქტიური მონაწილეობა მიიღეს ფოლკლორულმა ანსამბლებმა და სახალხო თეატრის მსახიობებმა.

– 2012 წელს ჩატარდა ფოლკლორული კოლექტივების საანგარიშო კონცერტი.

მარტამ ძურღოვანიძე

საგარეჯოს I საჯარო სკოლა, III კლასი



2012 წელს ქორეოგრაფიულ ანსამბლ „იმედში“ ჩავირიცხე. მალე ცეკვა ქართულს ცაღკე და ვი წყებთ. ანსამბლიდან სამი შეგვარჩიეს ამ ცეკვისთვის. ბედნიერი და გახარებული ვარ. ძალიან

ბევრი ათიანები მივიღე და გავახარე დედო, მაგრამ გულისტკენაც დამიტოვა ამ წელმა. ჩემი გამზრდელი პაპიკო ზამთრის დასაწყისში წავიდა ამ ქვეყნიდან.



სალომე ძომიაშვილი
XI კლასი, №2 საჯარო სკოლა

2012 წელი იმით იყო მნიშვნელოვანი, რომ ამ წელს ჩემს ასაკს კიდევ ერთი წელი შეემატა. ე.ი. გავიზარდე! მე ასხა 17-ის ვარ. ყველაზე ღამაში ასაკის, არა, არა, ღამაში ასაკის კი არა მართლ, უფრო სწორად – 17 წლის გოგონა – ოცნებებით, დიდი, დიდი, ცისფერი და ვარდისფერი ოცნებებით სავსე. ჩემი სიმღერების რეპერტუარს უფრო საინტერესო სიმღერები შეემატა – სიყვარულზე, მამულზე, ქართულობაზე. უფრო მეტად შევიგრძენი ის პასუხისმგებლობა, რაც მე – 17 წლის გოგონას მაქვს – მე XI კლასში. განათლების სისტემაში სულ ახალ-ახალი დავალებები და ამოცანები გვაქვს, ხოდა, ფეხი უნდა ავუწყოთ ამ რეფორმას. როცა პასუხისმგებლობა შევისრება და თანაც სერიოზული – „სიმწიფის ატესტატის“ მოსაპოვებლად, ე.ი. დიდი ვარ!

ლუბა ბურჯიძე

საგარეჯოს II საჯარო სკოლა, III კლასი

2012 წელს რამდენიმე საჭადრაკო ტურნირში მივიღე მონაწილეობა. 8 წლიანთა I ლიგაში III ადგილი დავიკავე. ქარსკელაძის მემორიალზე გროსმაისტერ დავით გურგენიძის გუნდში I ადგილი დავიკავეთ. ჩემი რაიონის 8



წლიან მოჭადრაკეთა გუნდმა ქ. ქუთაისში ჩირაძის მემორიალურ პირველობაში I ადგილი დავიკავეთ. ჩემთან ერთად წარმატებებს მიაღწიეს ნიკა კველიშვილმა, ეთერ ხებრელაშვილმა და ნინო გოდერძიშვილმა.

და ღირსეული მოქალაქეები გახდებიან.

მათი ადგილი ახალმოსულმა პირველკლასელებმა დაიკავეს. უკვე დაუფლანკნ სასკოლო უნარ-ჩვევებს. ანბანის შესწავლასაც მალე დავამთავრებთ. ძალიან დიდი მონდომებით „გამოგვყავს“ თითოეული ასო. საკმაოდ კარგად ფლობენ კომპიუტერულ უნარ-ჩვევებს. ძალიან უნდათ რომ ბევრმა მასწავლებელმა გაიცნოს. საახალწლო ზემისთვის ხალხით ემზადებოდნენ. რა ღამაზად მორთეს ნაძვის ხე!

გასული წელი გამრავლების და სიხარულის მომტანი იყო ჩემი ოჯახისათვის – ქვეყანას მოვევლინა პატარა ანა – ყველაზე ღამაში, ყველაზე მშვენიერი პრინცესა. გაეხდით ორგზის ბებია - ნიკოლოზისა და ანასი.

ყველას მინდა მიეულოცო ახალი წელი, ჩემი ოჯახის წევრებს, მოსწავლეებს, მათ მშობლებს, რომლებიც თანამშრომლობენ ჩემთან.

განსაკუთრებით მინდა მიეულოცო ახალი წელი ჩემს პედოლოგებს და ჩვენი სკოლის დირექტორს ქნ ლელა ფანოზიშვილს, რომელიც გვერდში გვიდგას, ხელს

2012 წელს მქონდა კონცერტები ჩემს მეგობრებთან ერთად, საგარეჯოში, ჩვენი ქვეყნის სხვადასხვა ქალაქებსა და რაიონებში. აქაც ვგრძნობ, რომ გავიზარდე, რადგან სცენას და აუდიტორიას უკვე სხვადასხვანაირად ვუყურებ - მეტი პასუხისმგებლობით და მეტი ინტერესით. აი, ეს ინტერესი გადამყვება 2013 წელსაც.



ანი ოსტიაშვილი
საგარეჯოს II საჯარო სკოლის XI კლასელი

ეს წელი ძალიან მნიშვნელოვანი იყო ჩემს ცხოვრებაში... უამრავი რამ მოხდა, უფრო მეტად კარგი. და რატომ?! თუნდაც ის, რომ ამ წელს თექვსმეტის გავხდი. მართალია, გულიც ძალიან დამწყვდა ჩემი ძმის გამო – ჯარში წაიყვანეს. ჩემი ძმა უზომოდ მიყვარს, ველავ და ვფიქრობ მასზე... ამ წელს უამრავი სურვილი ამისრულდა, რაც კი გულით ვინატრე. ჩამოთვლა რომ დავიწყო, ალბათ შორს წავაღ, მაგრამ ერთს მნიშვნელოვანს გამოვიყო, ჩემთვის ძალიან მნიშვნელოვანს და თქვენ გაგანდობთ – „შეყვარებული ვარ“. უფლის მადლობელი ვარ ამდენი სიკეთისათვის, რომელიც მე მიწავლობა. ვისურვებდი, რომ ყველა ადამიანს, განსაკუთრებით ჩემი ასაკის ახალგაზრდებს, ასრულებოდნენ, რაც კი გულით უნატრიათ, რადგან მინდა, რომ ჩემთან ერთად ამ ქვეყანაზე ყველა-ყველა იყოს ბედნიერი. ისე, ჯერ ყველაფერი არ დასრულებულა მეგობრებო! თქვენთან ერთად მეც ახალ წელს კიდევ უფრო დიდ ბედნიერებასა და სიკეთეს ველი...

მერი ჰიაშორელი
საგარეჯოს მეორე საჯარო სკოლა, XI კლასი

2012 წლის სექტემბერში დავრწმუნდი, რომ 2012-2013 წლები ჩემთვის და ჩემი თანატოლებისათვის წარმატებული უნდა იყოს – ეტაპობრივად იმ საგნების ჩაბარება, რომელიც ბოლოს სკოლის კურსდამთავრებულის ატესტატს მოგვაპოვებინებს. როგორ არ ჩავთვალო 2012 წელი განსხვავებულ წლად წინა თაობების მეთერ-

გვიწობს პედაგოგიურ საქმიანობაში და თავდაუზოგავად ზრუნავს სკოლის განვითარებაზე.

ირინა ნაღირაშვილი,
საგარეჯოს მეორე საჯარო სკოლის დაწესებითი კლასების პედაგოგი



ახალგაზრდობა

თმეტკლასელებთან შედარებით? ახლა მეთორმეტე კლასის ბოლოს ერთნაირად, ერთბაშად კი არ ვაბარებთ ყველა გამოცდას, არამედ ნაწილობრივ – XI კლასის ბოლოს ოთხ ძირითად საგანს, 2013 წლის შემოდგომაზე – ოქტომბერშიც შეგვიძლია ამ ოთხი ძირითადი გამოცდის ჩაბარება. საბოლოოდ კი XII კლასის ბოლოს, მასში სრულყოფილად დავამთავრებთ საჯარო სკოლის კურსს. ასე, რომ 2012 წელი გარდა პოლიტიკური აქტიურობისა, განათლების სისტემაში მიმდინარე აქტიურ წლადაც გვევლინება.



ბიბო ბურჯულაშვილი
საგარეჯოს II საჯარო სკოლა, XI კლასი

2012 წელს დავამთავრე მეათე კლასი და გადავედი მეთორმეტეში, რომელიც ჩემთვის ერთი ჩვეულებრივი სასწავლო წელი მეგონა, მაგრამ... სრულიად საპირისპირო აღმოჩნდა – მნიშვნელოვანი გახდა საბუნებისმეტყველო საგნები, რომლებიც ბოლო ხანს თითქმის, თუ შეიძლება ასე ითქვას, აღარ ისწავლებოდა... მნიშვნელოვანი იმითაცაა, რომ საგნები გაიყო, 2012 წელი 2013 წლის გაზაფხულსა და შემოდგომის „ოფლის წურვისთვის“ გავამზადებს...



ინტერვიუ

საგარეჯოს ქალაქად გამოსხალგებდა 50 წელი გავიდა



საგარეჯო 50 წლის წინ

უსტად 50 წლის წინ საგარეჯო ქალაქი გახდა. ბუნებრივია, ეს იყო წინ გადადგმული ნაბიჯი გარეჯელთა ცხოვრებაში, რადგან ქალაქზე ზრუნვა მის კეთილმოწყობაზე, დაფინანსება უფრო აქტიური იყო, ვიდრე დაბის და რაიონული ცენტრის. გარდა ამისა, იყო მთელი რიგი დაპირებანი, რომ აშენებოდა სამრეწველო ობიექტები, კულტურულ-საგანმანათლებლო დაწესებულებანი, საცხოვრებელი სახლები. მოსახლეობა გარდა სოფლის მეურნეობისა, დასაქმდებოდა სამრეწველო ობიექტებში.

ფაქტიურად, ყველაფერი ეს კეთდებოდა იმის სანაცვლოდ, რომ გაუქმებული იქნა საგარეჯოს ადმინისტრაციული რაიონი. მისი სოფლები გაუნაწილეს გურჯაანისა და გარდაბნის რაიონებს—საგარეჯო აღარ იქნებოდა რაიონული ცენტრი და ის იქნებოდა ქალაქი.

რაიონების გამსხვილება ქვეყნის მასშტაბით მიმდინარეობდა. კომპარტიის მაშინდელი ხელმძღვანელი ნიკიტა ხრუშოვი და პოლიტიკური ფიქრობდა იმას, რომ როგორც გადარჩენილი ქვეყნის ეკონომიკა და თითქოს ოპერატიული მართვისათვის რაიონების გაერთიანება დაიწყო. ბუნებრივია, ამ ღონისძიებაში ყველაფერი არ იყო გათვლილი. როცა რაიონის ადმინისტრატორი (პარტიული და საბჭოთა ორგანოები) 60 კმ-ს რადიუსში ვერ წარმოართავდნენ კომლემურნეობებისა და საბჭოთა მეურნეობების სწორ მუშაობას, ამას როგორ მოახერხებდნენ 150 კმ-ის რადიუსში, როცა არც კავშირგაბმულობის დღევანდელი საშუალებები და არც საჭირო ავტორტრანსპორტი არ იყო.

ამ ცვლილებამ, რომელსაც სათანადო პროპაგანდისტული საფუძვლები ჰქონდა, მხოლოდ ცხრა თვე გაძლო. კვლავ დაგვაბრუნეს საგარეჯოში ის მუშაკები, რომლებიც გურჯაანიდან საგარეჯოს ყოფილ სოფლებს ვემსახურებოდით. ყველაფერი კი ეს მოხდა საგარეჯოსა და მისი მოსახლეობის საკეთილდღეოდ. საგარეჯო კვლავ გახდა რაიონის ცენტრი, ხოლო რაისაბჭოს აღმასკომის თავმჯდომარის და რაიკომის მდივნის სახით პეტრონი გაუნდა იმ დაპირებების შესრულებისათვის ზრუნვას, რაც ქალაქად გარდაქმნის პერიოდში საქართველოს რესპუბლიკის მთავრობამ იკისრა. კერძოდ, ყურადღება მიექცა სამრეწველო ობიექტების: საბურავების შემკეთებელი და „გაზ-69“ მარკის „კოლხონიკების“ ავტომანქანების შემკეთებელი ქარხნების მშენებლობას. 1964 წელს საგარეჯოში შემოყვანილ იქნა ბუნებრივი გაზი. დაიწყო საცხოვრებელი სახლების მშენებლობა.

მაგრამ, როგორი იყო საგარეჯო სანამ იგი ქალაქი გახდებოდა? ეს იყო დაბა თავისი მდიდარი ისტორიითა და ტრადიციებით. იგი იყო სასოფლო-სამეურნეო რაიონის ცენტრი თავისი ადმინისტრაციული და მმართველობითი ორგანოებით.

გარე კახეთის ჰავა, მისი კლიმატური პირობები, ნიადაგი არ იძლეოდა იმის საშუალებას, რომ კახეთის ზოგიერთი რაიონისა, აქაც უხვი მოსავალი მოეყვანათ. მაგრამ, გარე კახელი კაცი ბედს არ უწიოდა—უვლიდა ვაზს, მოჰყავდა მარცვლეული კულტურები, უვლიდა საქონელს. ყოველთვის ჰქონდა პურ-ღვინო სტუმრის დასახვედრად, არც ქეიფს იკლებდნენ და არც ამქვეყნიდან გასულეებს მიაგებდნენ ნაკლებ პატივს.

მასხენდება საგარეჯოს ხანში შე-

სულ მამაკაცთა პურმარილები მაშინდელ „რესტორანში“, რომელიც ყოფილი რაიკავშირის პირველ ხარტულზე იყო—სარდაფში. ეს სარდაფი დღე სინათლეს იყო მოკლებული, მუდმივად შუქი, ან სანთლები ენთო. აქ მოქიფეს დაკარგული ჰქონდა დროის შეგრძნება—არ იცოდა, დღე იყო, თუ დაღამდა. მაგრამ, მათ ყოველთვის შერჩენილი ჰქონდათ კაცობის შეგრძნება და იცოდნენ, რომ ამ სარდაფიდან ფეხბრუნული ვერც ვერ ამოვიდოდა. მათ პურმარილზე მხიარულება მოლხენისათვის. ბედნიერი იყავი, თუ სუფრაზე დათა ივანელაშვილი და შალიკო მათიაშვილი აღმოჩნდებოდნენ. მათი სიმღერები ხომ სუფრის გვირგვინი იყო. საგარეჯოში ბევრი განთქმული თამადა იყო, ზოგიერთი მათგანის მიერ ნათქვამი სადღევარძელოები დღესაც სიამოვნებით ისმევა.

არ შეიძლება არ გავიხსენოთ საგარეჯოელთა წამოწყება—პენსიონერებმა ელიზბარ ქურდოვანიძის მეთაურობით შექმნეს ჯგუფი, რომლის წევრობა საპატიო მისია იყო. ამ ჯგუფში 15-18 კაცი შედიოდა, დაწესებული ჰქონდათ, 15 დღეში ერთხელ ჯგუფის ერთ-ერთი წევრის ოჯახში იკრიბებოდნენ და ქეიფობდნენ, თამადა მასპინძელი უნდა ყოფილიყო. სუფრაზე ისეთი ატმოსფერო სუფევდა, რომ ეს იყო ქართული სუფრის, დროსტარების საუკეთესო გაკეთილი და ნიშუმი.

საგარეჯოელები დიდი ყურადღებით აღვენებდნენ თვალს საგარეჯოს თეატრის დასის მუშაობას. დასის მოყვარული მსახიობები, რომელთაც შემდეგ სახალხო თეატრი შექმნეს, დიდი პატივისცემით დასრულებდნენ საგარეჯოელებში. ისინი დასის მიერ წარმოდგენილი სპექტაკლების მუდმივი მაყურებლები იყვნენ. ოჯახებით დადიოდნენ სპექტაკლებზე და მათი დარბაზში ქვეყის წესები დღეს ბევრ თეატრს შემურდებოდა. საგარეჯოელები ოდითგანვე პატივს მიაგებდნენ სპორტის ისეთ სახეობას, როგორიცაა ქართული ჭიდაობა. თაობიდან თაობაში გადადიოდა განთქმულ მოჭიდავეთა სახელები. საგარეჯოში „ხატის კაკლებთან“, იქ, სადაც დღეს სტადიონია, ღია ცის ქვეშ იყო საჭიდაო სარბიელი. აქ ბევრ ქართველ მოჭიდავეს უფალავნია: არსენ მეკოკიშვილის, მისა ქურხულის, შალვა გზირიშვილის სამშობლოში, ბუნებრივია, ვერვის გააკვირვებდი. მაგრამ, საკვირველი საგარეჯოელი ახალგაზრდების დაინტერესება იყო სპორტის ამ სახეობით. საჭიდაო დარბაზის უქონლობა აფერხებდა ამ დარგის განვითარებას. ამიტომ იყო, რომ 1957 წელს დაიწყო საგარეჯოში საჭიდაო დარბაზის მშენებლობა. ახალ-

გაზრდობა თოხლიაურის რიყის სათავედან ეზიდებოდა ქვას მშენებლობისათვის. დღევანდელი საჭიდაო დარბაზის ადგილას აშენდა საჭიდაო დარბაზი, რომელსაც მრგვალი ფორმა ჰქონდა. დარბაზში ერთი ხალხი იყო, ამფითეატრის სტილის ხალიჩის გარშემო არსებული სკამები 500-მდე მაყურებელს იტევდა.

საინტერესო ის იყო, რომ გარეჯელი მაყურებელი კარგად იცნობდა ქართული ჭიდაობის ილეთებს, მის ყველა ნიუანსს. მათ შემდეგ, ასევე, ადვილად ათვისეს თავისუფალი და ბერძნულ-რომაული ჭიდაობის ილეთები. ამ არენაზე ძნელი იყო ჭიდაობა, რადგან შენ გიყურებდა გათვითცნობიერებული მაყურებელი, მით უფრო ძნელი იყო მსაჯობა, რადგან მაყურებელი ზუსტად აჯამებდა ჩატარებულ ილეთებს. ბუნებრივია, ისინი მსაჯებს ხელს არ უშლიდნენ თავიანთი რეპლიკებით, მაგრამ, თუ საჭირო გახდებოდა და შეიქმნებოდა კონფლიქტური სიტუაცია, რაიმე ობიექტურად არ გადაწყდებოდა, საქმეში ჩაეროდა „მიძიმე არტილერია“—ასაკიანი მოჭიდავეები და ჭიდაობის ილეთების მცოდნენი მარკოზ ბაბუნიძე, ამირან არჩუაძე (ფეშხანას ბიჭი) და სხვები. მასხოს, პრიზებს გადასცემდნენ გამარჯვებულ მოჭიდავეებს. გამოაცხადეს, რომ ჭიდაობაში კარგი ტექნიკისათვის პრიზი მიეკუთვნა გორელ მოჭიდავეს — ბერუაშვილს. დარბაზში ერთხელ დაიქუხა — ეგ ყველას ჯობდაო. დიახ, თავისი ვუკაცური დგომით, ტექნიკური ჭიდაობით მან გარეჯელთა სიმპათია დაიმსახურა. მერე რა, რომ ის გორელი იყო და არა საგარეჯოელი?! ობიექტურმა მაყურებელმა მას პატივი მიავო.

საგარეჯო, გორთან, კასპთან, ახმეტასთან ერთად დიდებული ფალავნების სამკედლო არის. მარტო ჩვენი ლეკან თელიაშვილის ოსტატობის გახსენება რად ღირს?! თაობები უნდა ელოდონ, რომ ლეკანის შემდეგი გაიმეოროს საგარეჯოელმა ახალგაზრდობამ.

დაბა იყო საგარეჯო, მაგრამ მისი მცხოვრებნი არაყის არ ჩამორჩებოდნენ. მათ საკუთარი კურორტიც ჰქონდათ. გასული საუკუნის 50-იან წლებში დაიწყო გზის გაყვანა ციხე — გომბორის მთებში ციხე — კოდისაკენ, რომლის კლიმატი ბავშვებისათვის მეტად სასარგებლოა. ამ პერიოდში საგარეჯოს კოლმეურნეობის თავმჯდომარის გივი დუხიძის თაოსნობით კოდაზე აშენდა ბავშვებისათვის დასასვენებელი სახლი. ამ შენობაში გაჰყვდა საგარეჯოს საბავშვო ბაგა — ბაღის აღსაზრდელები ზაფხულობით. ციხე — კოდაზე ადიოდნენ საგარეჯოელები ოჯახებით ივლის — აგვისტოში.

*ნაზარ ბურჯიძე,
საგარეჯოს კომპარტიის რაიკომის
ყოფილი მეთაური, ისტორიკოსი,
იურისტი.*



ეკთლავილია



ხატი

„საქართველოს იმედი“

1 წლისაა

სრულიად საქართველოს კათოლიკოს-პატრიარქმა, უწმინდესმა და უნეტარესმა ილია მეორემ გასული წლის 24 დეკემბერს ასე მიმართა ქართველ ერს: „თითქმის 2000 წელი ელოდა ქართველი ერი ასეთ ხატს. დიდება უფალს, რომ ჩვენ გაგვხადა ღირსი შექმნილიყო ეს ხატი, რომელსაც 3 წელი ვაკეთებდით. ამ ხატს ეწოდება „საქართველოს იმედი“. ეს არის დიდი ხატი, მსგავსი სახელის ღვთისმშობლისა. მასზე ოთხასზე მეტი წმინდანის პატარა ხატია მოთავსებული, შემკულია მინანქრისა და ოქროს ფირფიტებით.

ეს ხატი იქნება ღვთის მადლითა და ძალით სასწაულმოქმედი და ყოველი ადამიანი, რომელიც სარწმუნოებით, სიმდაბლით, სიყვარულით მივა ამ ხატთან, მას აღუსრულდება თხოვნა მისი და ღოცვა მისი.

აქ არიან ქართველი და მსოფლიო წმინდანები, შევთხოვთ მათ მოიღონ წყალობა ჩვენს ქვეყანაზე, მთელ მსოფლიოზე, დაგვეხმარონ ამ განსაკუთრებულ წლებში და დღეებში.

ამ ხატის მადლით ღმერთმა დალოცოს, გაახაროს, გაამთლიანოს და დაამზიდოს სრულიად საქართველო. ამ ხატის მადლით ღმერთმა დაუბრუნოს ჩვენი ქართველი ხალხი უცხოეთიდან საქართველოს. ამ ხატის მადლით ღმერთმა გვაცხოვნოს ჩვენ, ამინ.“

„საქართველოს იმედის“ ხატი სიგრივესიგანით ორ-ორი მეტრია და ზუსტად სახელის კარედის ფორმისაა. ტიხრული მინანქრის ტიხრის სიმაღლე არის 1,2მმ — ყველაზე მაღალი მსოფლიოში და ხშირია მასში ტიხარი. ხატს მსგავსება აქვს „საქართველოს დიდების“ ხატთან. ქრისტეს ევანგელის საქართველოში ჩამორბანების ისტორია აქაც კარგად იკითხება, თუმცა, პატრიარქის კურთხევით, მასზე წმიდა სიღონია გამოსახულია მუხლმოყრილი და არა მიცვალებული.

პირველი ძვირფასეულობა სიწმინდეს კათოლიკოს-პატრიარქმა შესწირა: ბრილიანტებით და ზურმუხტის თვლებით მოოჭვილი გულსაკიდი და 7 კგ ოქრო. ხატის მოჭედვას დასჭირდა 50 კგ ოქრო, გამშვენებულია პატიოსანი თვლებით.

ხატი აგრძელებს ტრადიციას და იმეორებს საქართველოში ფართოდ გავრცელებულ კარედის ფორმას. იგი კაკლის ხისაა, იგი მოჭედილია ოქროთი, პატიოსანი თვლებით. კარედის ხატის პირს ამკობს შენაწირი თვალ-მარგალიტი, ძვირფასი ბეჭდები და სხვადასხვა სახის სამკაული, ხატის ცენტრალური ნაწილის ქვედა არეში განთავსებულია 52 სანაწილე ბუდე.

ხატი მოჭედილია 800-იანი სინჯის ხალხის ოქროთი, ჭედურობაზე მუშაობდა დეკანოზი იაკობ აბასიძე, რამდენიმე მკუდელთან ერთად. ამ სამუშაოებს ხელმძღვანელობდნენ: არქიმანდრიტი ილია (ნასიძე), არქიმანდრიტი სერაფიმე (ჭედიანი).

დღეს ეს ხატი თქვენს ოჯახში შემობრძანდა, ძვირფასო მკითხველო, ფეხბედნიერი იყოს მისი შემობრძანება.

გაზეთი „გარეჯის მაცნე“ გილოცავთ ახალ წელს, სიკეთის და სიხარულის ათვლა ყოფილიყო ამ კალენდრიდან თქვენი ოჯახისათვის და სრულიად საქართველოსათვის.

აი, მოავალი წლის პრიორიტეტების

სარედაქციო
ფოსტილან

სარედაქციო
ფოსტილან

პრობლემები, რომლებსაც გვერდს ვერ ავუვლით...

ამ წერილის დაწერა ერთმა მნიშვნელოვანმა ფაქტმა გადამაწყვეტინა.

ერთ დღეს ჩემს შვილიშვილს ვასეირნებდი ქუჩაში, ქალაქის ცენტრში გაზეთის საყიდლად შევჩერდი, ბავშვის ყურადღება იქვე მდგარმა ძეგლმა მიიქცია და მკითხა, – ბებო, ეს ვისი საფლავიაო?

არ ვიცოდი, როგორ ამეხსნა 4 წლის ბავშვისათვის, ვინ იყო სოლომონ ქურდიანი (დემეტრე შეშინდოს), რადგან საგარეჯოში ბევრი გამორჩეული ადამიანი ცხოვრობდა და მოღვაწეობდა, პროფესორიც და აკადემიკოსებიც, მათ შორის ქურდიანების გვარიდან (არჩილ ქურდიანი – ცნობილი არქიტექტორი, გრიგოლ ქურდიანი – ცნობილი ინჟინერი, მეტალურგი, ზაქარია ქურდიანი – საქართველოს დამსახურებული ინჟინერი და არქიტექტორი, იოსებ ქურდიანი – ერთ-ერთი პირველი ქართველი მეტალურგი).

მე არ ვიცი, რა პრივილეგიით გამოარჩიეს ეს ადამიანი, ახლაც ხომ ბევრია ე.წ. პროფესორები, რომლებმაც თვითონაც არ იციან, რისთვის მიიღეს ეს პროფესორობა. უცებ შემიშინდა – ძეგლების დადგმა პოპულარული თუ გახდა, რამდენი მდიდარი ადამიანი შეეცდებოდა აქ თავიანთი ახლობლის ან წინაპრის ძეგლის დადგმას.

30-მდე ადამიანს ვკითხე, იცოდნენ თუ არა, ვინ იყო ს. ქურდიანი და მხოლოდ ერთმა ადამიანმა – მიხეილ ფანოზიშვილმა იცოდა, რომ ის იყო მეტყვე (აქვე დაუძენ, რომ ის იყო ბოტანიკის და სატყეო მეურნეობის კათედრის ხელმძღვანელი).

მე ვამაყობ, როცა მახსენდება, რომ გოგლა ლეონიძის და რევაზ ინანიშვილის თანამემამულე ვარ. მე არ ვიცი, ვის თავში მოიხარშა ეს აზრი – რაიონის ცენტრში დაედგათ ს. ქურდიანის ძეგლი. ეს ძეგლი მის სასაფლაოს უფრო დაამშვენებდა. ამასწინათ ერთი სამარცხვინო ფაქტიც



სოლომონ
ქურდიანის
ძეგლი



ნიქარა

მოხდა, ვიღაცამ ძეგლთან ჭიქა დადგა – ეტყობა მართლა სასაფლაო ეგონა.

მე სინდისი მაწუხებს და მრცხვენია, როცა ჩვენივე რაიონში მცხოვრები მოქანდაკე იური ასლამაზიშვილის სახლთან ჩავივლი და მის ეზოში შევნიშნავ ქანდაკებას „წიქარა“, რომელზეც ავტორი 10 წელი მუშაობდა... დგას და ელოდება კეთილგონიერი ადამიანის გამოჩენას, რათა რომელიმე სკვერში დაიმკვიდროს ადგილი. ეს ქანდაკება ხომ მაღალი გემოვნების ნებისმიერ ადამიანს სიამოვნებას მოგვრიდა და ბავშვებს მის დანახვაზე სასაფლაო არ გაახსენდებოდათ, პირიქით მათ ზღაპრულ სამყაროში გადაიყვანდა.

იქნებ ახლა მაინც დადგეს დრო, როცა რაიონის ხელმძღვანელობა რეალურად იზრუნებს ქალაქის ინფრასტრუქტურაზე და საგარეჯოელების ინტერესებს გაითვალისწინებს?!

ნუთუ არაა დრო ვიფიქროთ საზოგადოებრივ ინტერესებზე და რაც მთავარია, ეს ისწავლონ იმ ადამიანებმა, ვინც რამდენიმე წელია მხოლოდ ანგრევენ – ანგრევენ შენობებს, ქუჩებს, დავით აღმაშენებლის ქუჩას უკვე მესამედ (ბოლო ცხრა წელში) უკეთებენ რესტავრაციას. ხოლო აქედან სულ რაღაც ოციოდე მეტრში ტროტუარები ისეთ დღეშია, კისერს მოიმტრევეს ადამიანი. იქნებ გვეკითხა მათთვის, რისთვის ან რატომ დანიგრა ყოფილი პროკურატურის ან საინტარული ინსპექციის შენობები, ხოლო ეს ადგილები გაჭირვებული ადამიანების ფიზიოლოგიური მოთხოვნების დასაკმაყოფილებელ წერტილებად იქცა (ქალაქში ხომ საზოგადოებრივი ტუალეტი არ არსებობს).

არადა, ამ ადგილზე ხომ ეკლესიის მშენებლობას გეგმავდნენ?

დროა, გამოვფხიზლდეთ მარადიული დუმილიდან – ჩვენს ქალაქს ხომ 50 წელი უსრულდება.

მანანა სტეფანიშვილი
საგარეჯო

ფიქრები 2013 წლის კარგი პასუხისთვის

ტკივილი, რომლის კვლევა წელს უნდა წაიღოს



კეთილი და ბოროტი უწესრიგოდ მოძრობენ. ამ ქაოსურ მოძრაობაში წარმოუდგენელი სიძლიერით ეჯახებიან და იმსხვრევიან.

სხეულთან ერთად სულიც იმსხვრევა. ვიღაცა ამ დროს შენს სულში ხელებს აფათურებს.

განა ჩემი სული სურს? არა, უნდა ჩაკლას, გაგანადგუროს, დაგანარცხოს და გაგთელოს, რადგან ნიჭიერება, წარმატება, რაც სხვისგან განგასხვავებს, დასჯადია. იწყება ჭიდილი... უსამართლობის საშინელი განცდა...

ამაყი სული არ ნებდება, უნდა გაექცეს რეალობას.

სასაცილოა ამხელა სამყაროში საყრდენს ვერ პოულობ სულის მოსათქმელად.

– არა, მაგრამ რა უნდა შენს ხელს ჩემს სულში?!

რამდენი უძილო დამე... ყოველთვის განსხვავებული, ერთმანეთის არამსგავსი თითოეული დღე, გაკვეთილი.

20 წელი... არც ისე ცოტა დროა...

დღეში სულ მცირე ორი გაკვეთილი, კვირაში – ათი, თვეში – ორმოცი, ცხრა თვეში (ერთი სასწავლო წელი) – სამას სამოცი, 20 წელში 64800 გაკვეთილი...

ახალი სამყარო, ახალი რეალობა, სულის ტკივილში შეხიდული ადამიანები...

ძეგლი წოდება და დიდი ჯილდო.

მარტო დაერჩი დიდ ქარიშხალთან...

სულ გამძარცვეთ, წაიღეთ ის, რასაც თვლიდით, რომ ჩემი არ იყო, მე არ მეკუთვნოდა... დამრჩა წოდება – მასწავლებელი – მოძღვარი ბავშვთა სული-სა და ყველაზე დიდი ჯილდო – ჩემი ნამოწაფრები.

მთელი ცხოვრება ტკივილია.

ტკივილი იქამდე, სანამ სამზეს მიჯნას გადალახავ, გადალახავ და დარჩება უკუნი საზღვარი.

თაღისფერ სამყარომდე მე დაებრუნდები.

დავბრუნდები...

დაუჯერებელი არაფერია...

არ მიშვებენ ის ძალები სხვაგან, რომლითაც ვგრძნობ თქვენს სუნთქვას, თქვენს სიხარულს, დარდსა და ტკივილს მანძილზე.


უფალი... მსაჯული ყველასი და ყველაფრის.

განსაცდელისაგან გარიდება...

სკოლა, განათლების სფეროში მოღვაწეობა ეს ჩემი ჯვარია, უფლისგან ნაბოძები... რომლის წართმევის უფლებას არავის არ მივცემ და ამას აღარც უფალი დაუშვებს თავად.

თამარ შრდულაშვილი,

საგარეჯოს მუნიციპალიტეტის საკრებულოს სოციალური, ქონების მართვისა და ბუნებრივი რესურსების კომისიების მოწვეული სპეციალისტი



ფილოსოფია



დაბადებიდან 85-ე წლისთავის შესრულებას და დამდეგ ახალ წელს ვულოცავთ ჩვენი გაზეთის გულშემმატიკვარს, აქტიურ მკითხველსა და მრავალი საინტერესო სამეცნიერო წერილების ავტორს, კულტურის დამსახურებულ მოღვაწეს, ისტორიკოსსა და ჟურნალისტს **ბ-ნ ალექსანდრე ელერდიაშვილს**. ვუსურვებთ ჯანმრთელობას, დიდხანს სიცოცხლეს და კვლავაც ნაყოფიერ შემოქმედებით საქმიანობას.

„გარემოს მაცნეს“ რედაქცია

თანვისუფალი ჭიდაობა

ასპარეზობენ პოპონების



ნუნუკა ლონდარიძე



ხატია კვცილიაშვილი

დეკემბრის ბოლოს საგარეჯოს ძიუდოს დარბაზში ჩატარდა ჩვენი თანამემამულისა და სპორტსახოგადობა „კოლმეურნეს“ ჩემპიონის, საქართველოს პრიზიორის, სპორტის ოსტატ მიხეილ არჩუაძის ხსოვნისადმი მიძღვნილი რესპუბლიკური ტურნირი თავისუფალ ჭიდაობაში გოგონათა და ვაჟთა შორის. თავისუფალი ჭიდაობის საგარეჯოელი მოყვარულები და გულშემმატიკვრები მიჩვეულები და განებივრებული ვართ ჭიდაობის ამ სახეობაში გამართული შეჯიბრებებითა და ჩვენი ფალანგების მიერ მიღწეული მაღალი შედეგებით, მაგრამ აქ, დიდი არსენ მეკოკიშვილის სახელობის სპორტულ დარბაზში გოგონათა შორის რომ გამართულიყოს ასპარეზობა, არავის ახსოვს და ალბათ ვერავინ წარმოიდგენდა. მართალია, წინა წლებში საგარეჯოს ჰყავდა ძიუდოსტი გოგონები, მაგრამ თავისუფალ ჭიდაობაში ნამდვილად არავინ. ამიტომ მისასალმებელი და მეტად დასაფასებელია ამ პრეცედენტის ავტორების, პირველი რიგში კი ჩვენი „ძიუდოს პაპის“ – ბიჭიკო მარიდაშვილის ენთუზიასში, რომელმაც ჩვენი ღირსეული თანამოქალაქის ხსოვნის ღონისძიება საინტერესო პაექრობითაც დაამშვენა. არადა ბ-ნი მიხეილი მართლაც იმსახურებდა ასეთი ტურნირის გამართვას, სხვას რომ ყველაფერს თავი დავანებოთ, თვითონაც თავისუფალი სტილის მოჭიდავემ, იმხელა ამავი დასლო საგარეჯოში

ჭიდაობის ამ სახეობის განვითარებას, რომ სპორტსმენი რომც არ ყოფილიყო, სიცოცხლეშივე იმსახურებდა ამას. მხედველობაში მაქვს ის დიდი საჩუქარი, რაც მან საგარეჯოელ მოჭიდავეებს გაუკეთა საგარეჯოს საკუთრების დაცვის პოლიციის უფროსად მუშაობის წლებში, როცა იქ შეხანიშნავი სპორტული ბაზა ააშენა.

ვაჟთა ასპარეზობის შემდეგ ხალისაზე გოგონათა საგარეჯოელი და გლდანის სპორტსკოლის ორი წყვილი დაუპირისპირდა ერთმანეთს, სადაც უფრო გამოცდილმა გლდანელებმა იმარჯვეს. მიუხედავად ამისა, ჩვენი გოგონები მაინც იმსახურებენ შექებას და წახალისებას, რადგან საგარეჯოში პირველებმა ოფიციალური საფუძვლი ჩაუყარეს ამ სახის პაექრობებს და იმედია ამის შემდეგაც ვიხილავთ მსგავს ასპარეზობებს.

მეტად საინტერესო გამოდგა გამარჯვებულთა დაჯილდოების ცერემონიაიც. სხვა ჯილდოებთან ერთად გათამაშდა მიხეილ არჩუაძისა და არსენ მეკოკიშვილის სახელობის პრიზებიც, რაც მათმა შთამომავლებმა – მაია არჩუაძემ და გიორგი მეკოკიშვილმა დააწესეს. სასიხარულოა, რომ დიდი არსენას სახელობის პრესტიჟული პრიზი ჩვენს მოჭიდავე ლევან ბოჭორიძეს ერგო, რომელიც მას ჩვენი მუნიციპალიტეტის გამგებელმა გიორგი ლოლაძემ გადასცა.

გიორგი ლაბახიძე

შეხვედრა კოეტიან

აუდიტორია, რომელიც ბარბარობა დღეს პოეტს, მედიკავშირ „ობიექტივის“ სახელოვნებო გადაცემების წამყვანს, ჭეშმარიტ პოეზიასთან ნახიარებ, მარტვიან, ღრმა ფესვების მქონე ქართულ სიტყვასთან შერკინებულ, სიმართლის უშიშრად მოქმედ, ერთ ქართველ კაცს – ვაჟა ოთარაშვილს მართლაც რომ დიდი მოლოდინით ელოდა. მათგან უმრავლესობას მართლისმოქმედი პოეტი კაცი მხოლოდ ტელეეკრანიდან ენახა, მის ნაფიქრად – ნააზრევს, ნასათუთევს, ფიქრის ქურაში გამოწრთობილს კი – წიგნიდან. დიდის ნატვრით, დიდის მოლოდინით განაბულიყო დარბაზი – თავად ამ ლექსების მომფიქრებელს უნდა წაეკითხა ლექსები, რომლებიც ამ დღეებში ცხოვრებაში ალალ ცრემლს გვადენს, გულიან ოხვრას და ხშირად გულზე მჯიდის დარტყმასაც განგაცდევინებს, ჩაგაფიქრებს – საიდან მოვიდვართ ქართველები, ვინ ვართ დღეს, საით მივდივართ, მაინც საით მივგვავს საქართველო და ქართველობა?! როგორი სიყვარული იცის ქართველმა კაცმა დედის, პატივისცემა წინაპართა სისხლით ნაწერი ისტორიისა, როგორი კრიტიკული თვალთუყურებს თავის დღევანდელ ყოფას, როგორი სილამაზით აღიქვამს მზეს, ვარსკვლავს, საფლაკიდან დედის სუნთქვად ამობურცულ იას, როგორ დაინახავს, რა ცრემლებს გააყოლებს მდინარისგან წადებულ „შარშანდელ ფოთლის ხალიჩას“, უნახავს კი „ფოთლის სიკვდილზე ნახი სიკვდილი“ თუ შეუშინევი და შეუგერძინა „მაყვლისფერი დამები“. ოღონდ ეს ყველაფერი და სხვა ყველაფერიც საქართველოშია ლამაზი, მხოლოდ საქართველოში, რადგან აქ საქართველოში „სადღეგრძელებს დარდები მიაქვს“... რადგან საქართველოში „ჭადარა თურმე ერევა ქარსაც“... და ის საქართველო „ქვეყანა, სადაც ერთად მარხია, ერის ერთგულიც და მოღალატეც“...

პოეტის ლექსებს სულგანაბული უსმენდა ჩვეულებრივი მსმენელიც და ლექსის პქარულად გაკიდული პოეტიც, მსახიობიც და საქართველოს მწერალთა კავშირის წევრები – ჩვენი თანამემამულენი რომან ზუკაკიშვილი და გიგლა ჭინჭარაული, ქართული ლექსის მოტრფიალე – ლექსო არაბული. საგარეჯოელმა პოეტმა და ფილოლოგმა თამარ ურდულაშვილმა და პოეტიკის ავტორმა ვანო ჯაფარიძემ საკუთარი ლექსები წაუკითხეს პოეტს, მაგრამ სულ სხვა ღვთიური მაღლი, ძველქართული სული და ახლებური, მაცოცხლებელი სუნთქვა პქონდა ავტორისეულ კითხვას



შემახვედრა, რომელზედაც მოწამეთელი მამა გიორგი (ბასილაძე) გვესაუბრება წიგნებში – მიწაზე ჩამოსულ ღვთისკაცებზე. – ჩვენი „თვალის ასახვევად“, თანხანო ვითომდა ჩვეულებრივი ცხოვრებით რომ ცხოვრობენ და დიდი მისია კი აკისრიათ ერის, ქართველობის გამოსაფხიზლებლად, მართლმადიდებლობის, ქართული ტრადიციების მქადაგებლად სიტყვითაც და საქმითაც, უპირველესად კი საკუთარი ცხოვრების წესით.

ეცნობი ვაჟა ოთარაშვილის ლექსებს და გრძობ წმიდა მამის დამოძღვრის სიმძიმესა და სიტკბოს „ქართველობა ძნელია, მაგრამ აუცილებელი“. აფერუმ, მის ვეკაცობას, ვინც ამ გამოცდას უძლებს და გაუძლებს, თქვენის თამალობით, ბატონო ვაჟა!

თინა ილაური

ჩვენი თანამემამულე დავით ლაფაჩიშვილი კვლავ წარმატებულს ითვლის

თურქეთში, ქ. ტრაპიზონში გამართულ მსოფლიო თასის გათამაშებაში 11 ქვეყნის რჩეულ 800 სპორტსმენს შორის იყო საქართველოს გოჯურ-იუ კარატე დო ასოციაციის ნაკრების 4 სპორტსმენი. მათ ანგარიშზე 2 ოქროს, 4 ვერცხლის, ერთი ბრინჯაოს მედალი და თასი. ჩვენმა თანამემამულემ დავით ლაფაჩიშვილმა (10 წლის) სამივე სინჯის მედალი



დაიმსახურა.
I ადგილი – SHOBU;
II ადგილი – KATA;
III ადგილი – W.K.F.

რედაქტორი:
თინათინ ილაური

რედაქციის მისამართი: ქ. საგარეჯო, დ. აღმაშენებლის ქ. № 15,

გაზეთი აიწყო და დაკაბადონდა შ.პ.ს. „გარემოს მაცნეში“ დაიბეჭდა თბილისში, გამომცემლობა „კოლორში“.

ტელეფონები: 24-32-07 599 502 842 577 951 488

ელ. ფოსტა: garejismacnel@hotmail.com